

بسم الله نبداً (دعائكم لي بحسن الخاتمة)
اقرأ وكأنك معي
شرح جزء من الفصل الثالث عشر
حرب أكتوبر (مراحلها / نتائجها / الدروس المستفادة منها)

ازيكم

عارفين اسرائيل دخلت مع العرب في أربع حروب ٤٨-٥٦-٦٧-٧٣ و
عارفين ان مصر في حرب ١٩٦٧ اتهمت هزيمة مخجلة من اسرائيل فيما عرف باسم
النكسة وعلى فكره ده اسم دلح لأنها في الحقيقة مصيبه مش نكسه
المهم

مصر بعد ما اتهمت من اسرائيل في ١٩٦٧ واحتلوا سيناء حاولت تخرج اسرائيل من سيناء
بالذوق يعني بالجهود الدبلوماسية ... وقعدنا نتحايل على اسرائيل ... والنبي تخرجي من
سيناء نلحك بالغالي تخرجي يارب ينجحك الشياطين الصغيرين عيالك ... ومافيش
فايده اسرائيل مش هتخرج طبعاً بالذوق لأن اليهود ما عندو همش دم اساساً
خلاص

لازم عشان تخرج اسرائيل من سيناء نعتمد على نفسنا ونعتمد على قوتنا طيب ازاي
استعدت مصر لحرب ضد اسرائيل على مدار ٦ سنوات ١٩٦٧ - ١٩٧٣
ومصر بتستعد اعداد القوات المسلحة حرب الاستنزاف توحيد الشعب
المصري من الداخل باصدار الدستور الدائم ١٩٧١ توحيد العرب خلف مصر
وسوريا اعداد خطة مشتركة مع سوريا لمهاجمة اسرائيل معا خطه في
منتهى السرية مما جعل اسرائيل تفاجأ بالهجوم المصري السوري مفاجأ جعلت
اليهود يطلقوا على حرب اكتوبر زلزال في اسرائيل
لاحظ :: القائد العام للقوات الفريق أحمد إسماعيل
مراحل عمليات حرب اكتوبر ١٩٧٣ ::
موضوع مراحل حرب اكتوبر محتاج تركيز عالي جدا عشان نقدر نحفظه
المراحل ٤ مراحل المرحلة الأولى خمس أجزاء عشان ما نتخضش واحدة
واحدة

المرحلة الأولى ::

١- الضربة الجوية الأولى (دور مبارك) ::

بدأت يوم ٦ اكتوبر الساعة ٢ ظهراً بسيطه كده نكمل
ب ٢٢٠ طائرة لتنفيذ المهمة التي حددها اللواء مبارك طيب عملوا ايه الطائرات ديه
.... دمروا مركز القيادة الرئيسي للعدو دمروا مواقع الصواريخ المضادة
للطائرات الله الله وايه كمان دمروا حصن بودابست ... حققوا ٩٠% من أهدافهم

٢- التمهيد النيراني ::

الساعة ٢ و ٥ دقائق بدأ طيب يعني تمهيد نيراني يعني ٢٠٠٠ مدفع يبدأ في
قذف قوات العدو عمليه ضخمة جدا ... كفايه أن أقولكم ... ان كل دقيقة كانت مدافعنا
تطلق ١٠٥٠٠ قذيفة في عمليه استمرت ٥٣ دقيقة احسبوا كام قذيفه اضربت
يعني اكثر من ٥٥ ألف قذيفه تتوقعوا يعملوا ايه في قوات اسرائيل هو ده
السؤال ...

نتائج التمهيد النيراني ::

حققت خسائر كبيرة في قوات العدو أجبرت قوات العدو على الاختباء في
الملاجئ ... مما سهل على قواتنا عبور القناة لأن العدو مستخبي

٣- اقتحام قناة السويس ::

شوفنا ازاى العدوا استخبي من قذائف التمهيد النيرانى بس الدبابات مش هتستخبي نعمل آيه فى الدبابات عبرت فرق اسمها ... فرق اقتناص الدبابات لكى تدمر الدبابات .. عشان قواتنا تعير دون خوف

وفعلا الساعة ٢ و ٢٠ دقيقة بدأ العبور ... قوارب مطاطية تحمل افواج من الجنود تحمل اسلحة مضادة للدبابات والطائرات ويحملون سلام خشبية
٢ و ٣٥ دقيقة رفعت اعلام مصر العظيمة على الشاطئ الشرقى للقناة ويهتف الجنود كالرعد الله اكبر لتبدأ معركة التحرير

- مجموعه من المهندسين قاموا بعمل ٦٠ فتحة فى الساتر الترابى عن طريق ظلمبات المياة ... ليثبت عليهم الكبارى الخشبية ... التى ستعبر عليها المعدات الثقيلة
- طبعا اسرائيل فاقت من الصدمه وحاولت طائراتها انقاذ ما يمكن انقاذه
وفعلا هاجمت اسرائيل الكبارى عشان تحطمها ولكن قوات الدفاع الجوى المصرى تصدت لهم ببراعة كل ما طائرة اسرائيلية تقرب من القناة تسقط وتندمر ... لدرجة ان قائد الطيران الإسرائيلى أمر طائراته بعدم الاقتراب من القناة لمسافة ١٥ كم

- وبحلول الساعة ٨ من صباح يوم ٧ اكتوبر يعنى بعد بداية الحرب ب ١٨ ساعه كانت قواتنا المسلحة حققت معجزة عسكرية بكل المقاييس

- نركز

- ونصحح

- سؤال مهم جدا

خلال ١٨ ساعة حققت قواتنا المسلحة معجزة وانتصار حاسم فى حرب أكتوبر ١٩٧٣ ؟

عبرت أصعب مانع مائى فى العالم واقتحمت حصون خط بارليف المنيعه ،

نجحت خمس فراق مشاة تضم ٨٠ ألف مقاتل فى تثبيت أقدامهم على الضفة الشرقية للقناة بكل أسلحتهم ومعداتهم ،

تدمير قوات إسرائيل التى كانت مجهزة لصد الهجوم المصرى ،

تقدمت القوات المصرية لمسافة ٤ كم من شرق القناة ،

نجحت طائرات الهليكوبتر المصرية فى إنزال رجال الصاعقة عمق سيناء لتعطل تدخل

القوات الاحتياطية الإسرائيلية

ونعود بعد الفاصل

أ / مروان حسن

أول موقع متفحص في

التاريخ

<http://Marwan2368.jeeran.com>

